

儀禮集說

二十二







筮者執以示主人

還音同

還亦右還也無卦者

主人受視反之筮者遠東面長占

占曰吉

長知反下然長脅餘並同

長占長者以次亡之此與旅占互見也

若不吉則筮遠日如初儀

張子曰祭之筮日若再不吉則止據儀禮唯

有筮遠日之文不云三筮筮日之禮止是二

筮先筮近日後筮遠日不從則直用下旬遠

日蓋亦足以致聽於鬼神之意而祀別不可

廢

繼公謂即於其日改筮之亦見其異於大夫

二六十九

卷十五

三

也遠日見首篇

宗人告事畢

亦徹筮席乃告

右筮曰

前朔三日之朝筮尸如求日之儀命筮曰孝孫

某事此某事適其皇祖某子筮某之某為尸尚

饗

注曰某之某者字尸父而名尸也字尸父尊

鬼神也大夫士以孫之倫為尸疏曰曲禮云

為人子者祭祀不為尸然則尸、無父者

祭祖則用族列時取於同姓之適孫也

繼公謂求日之儀兼若不吉而改筮前



也命筮之辭異故特異之明其餘皆可也  
之某謂其之于某也春秋傳曰潘在之黨申  
鮮虞之摯皆謂其子也前則三說見士冠  
禮按注云大夫士以孫之倫為尸不及天  
子諸侯者天子諸侯所祭首遠為尸者不必  
皆其孫之倫或但以昭穆耳

右筮尸

乃宿尸

亦目下事也

主人立于戶外門外子姓兄弟立于主人之後  
北面東上

注曰不東面者來不為賓客子姓立于主人

二二九十一  
小三

卷十五

四

之後上當其後

繼公謂上言筮尸如求日之儀則是筮時兄  
弟咸在所筮者亦存焉筮之而吉不即告之  
乃於其既歸也然後親宿之於其門者尊之  
而不敢苟也北面者亦尊尸若不舉以其西  
面見已然

尸如主人服出門左西面

出門左西面見賓客之正位也主人北面  
不南面見之者辟尊者之禮也

主人辟皆東面北上

音

注曰順尸

繼公謂辟為是敬也蓋在戶出門時



一其持子姓兄弟亦立于七

六後也

尸不先拜者以將為尸故變於

谷拜

辭如初立

巫子為某尸占曰吉敢

命筮尸之辭卒

許諾致命

注曰受人辭許之傳命始宗人祝北面至於

傳命皆西面受命東面釋之

事尸者也故於此即使之致命以見其意云

卷十五

尸許諾主人再拜稽首

注曰其許亦宗人受於祝而告主人

繼公謂拜稽首亦尊尸也尸既許諾則成為

尸故於此不答拜

尸入主人退

尸既許諾則有祖道故不俟主人之退而先

入見其尊亦變於大夫尸也先入而不揖

君禮也聘禮公與羣臣夕幣乃揖而先入少

牢云主人退尸送揖不拜

右宿尸

宿賓賓如主人服出門左西面再拜主人東面

答再拜宗人擯曰某共歸歲事吾子將准之政行



注曰歲事歲時之祭事

繼公謂此云吾子將涖之是鄉者賓既許之矣然則筮日之後亦當有戒賓之儀如士冠禮所記者經不見之文答耳筮尸宿尸宿賓皆同日為之故下文別云厥明以別之

賓曰某敢不敬從主人再拜賓答拜主人退賓拜送

主人宿辭擯者釋之是賓之對辭亦擯者傳之矣然則凡主人親戒宿其儀皆然經不盡見之也

右宿賓

厥明夕陳鼎于門外北面北上有鼎

三

卷一五

六〇

門外不言東方可知也北面北上亦放祭時

陳鼎之位也鼎而鼐亦為不宜塵

於在其南南順實獸于其上東首

獸腊也獸言東首而不及足者以其足在左不出故也士腊用兔

牲在其西北首東足

注曰其西於西也東足尚右也牲不用於以其生

疏曰豕縛其足陳之東足寢其左

繼公謂此士之吉祭牲宜東上之腊在於而豕反居西又異其所鄉是無所上也以其未即殺故未死不可以相統與



設洗在阼阼東南壺禁在東序豆邊釶在東房  
兩上几席兩敦在阼堂

敦音對  
下並同

豆邊釶蓋在東房之東墉下而三者豆二以  
並在南二邊次之此未實之故南上之文惟  
主於器士家亦有左右房於此見之矣

主人及子姓兄弟即位于門東如初

注曰初筮位也

賓及衆賓即位于門西東面北上

此時方修祭事助祭之賓宜來視之以其不  
在鄉者有司羣執事之中故此雖東面北上  
一而不蒙如初之文賓既位於此則公臣私臣  
不敢與之齒而位於他所矣下文云宗人祝

立于賓西北東面南上又記曰公有司門西  
北面東上私臣門東北面西上足以明祭時  
有司之屬不在賓位也審矣

宗人祝立于賓西北東面南上

祭事將至宗祝之位宜異於有司故外位在  
此南上宜變於賓

主人再拜賓答再拜三拜衆賓衆賓答再拜

衆賓答一拜言再者字誤也

主人揖入兄弟從賓及衆賓從即位于堂下如  
外位

如外位則子姓宗人祝皆在其中矣不言者  
省文也子姓之入亦先於兄弟宗祝之入宜



後於粢賓

宗人升自西階視壺濯及豆籩反降東北面告濯具

宗人亦既立於賓西北之位乃升於壺言濯以見其餘不言敦劍几席省文也東北面鄉主人濯具謂所濯者已具也此亦有不必濯者乃云濯具者總言之耳

賓出二人出皆復外位

惟言賓主人出文又省矣

宗人視牲告充雍正作豕

注曰充猶肥也北面以策動作豕視整氣

繼公謂雍正亦公有司給事者也云雍正者

卷十五

以事名之

宗人舉獸尾告備舉鼎鼎告潔

備具也此所告之儀亦皆東北面

請期曰羹飪

注曰期祭早晏之期也

繼公謂言以羹飪為節則質明可知請期而

主人自告之亦異於大夫請期蓋東面既得

期西北面告賓東北面告兄弟

告事畢賓出主人拜送

送于外門外

右視濯視牲為期

夙興主人盥如初立于門外東方南面視側殺



注曰側殺殺一牲

繼公謂服如初冠端玄也東方蓋當東墜少南鼎之西也

主婦視饔饗于西堂下

注曰饔宗婦為之饗近西壁南齊于坫古文饔作糝周禮作饗

繼公謂視之當東面饗亦東面

亨于門外東方西面北上亨音烹

此亦以亨者見饗之面位也東方於陳鼎之東則又東矣北上豕饗在北魚腊亞之

奠饗實鼎陳于門外如初

初視濯時也士昏禮既審鼎陳于門外東方

卷之十五

九〇

北面北上謂此時也是言如初則上文所謂門外亦其東方明矣

尊于戶東玄酒在西

注曰立室也

豆邊劍陳于房中如初

注曰如初者取而實之既則反之

繼公謂如初亦如其南上之位也記曰賓與長兄弟之薦自東房其餘在東堂然則祝主

主婦賓長長兄弟之豆邊亦皆二以並相

繼公而陳之於劍之北矣

事之俎陳于階間二列北上

注曰二列者因其位在東西不升鼎者異於



神

繼公謂執事謂凡執祭事者也主人及祝以下之通稱其俎二列北上東列則昨俎為上西列則祝俎為上其內兄弟之俎則當次於兄弟也此執事之文所包者廣與前後所云者不同

盛兩敦陳于西堂藉用萑几席陳于西堂如初

注曰盛黍稷者宗婦也盛音成下同

在夜反在音桓

繼公謂盛乃藉之重黍稷也此云如初則上經在西堂之下其有脫文與

尸盥匱水實于槃中篚巾在門內之右

亦匱在槃中南流篚巾在其右盥以槃匱說

三十一

卷十五

十

見公食大夫禮

記筵几于室中東面

几亦右之

右身饌陳設

主婦纒笄宵衣立于房中南面

大夫妻祭服祿衣侈袂則此宵衣乃次於祿衣者耳纒笄士妻首飾之常言之者見其無異飾也几婦人助祭者與主婦同服

主人及賓兄弟羣執事即位于門外如初

此於賓兄弟之下言羣執事則是指公有司私臣而言也宗人祝亦在賓西北其他則在門西若門東與其內位同上經不見門東



門西之位而亦云如初者其文主於兄弟以  
上而略於羣執事也

宗人告有司具

告主人也告之亦宜東北面既告則反于  
賓西北

主人拜賓如初揖入即位如初

初視濯時也

佐食北面立于中庭

佐食主人兄弟之佐尸食者記曰佐食於茲  
齒於兄弟是也鄉於門外猶在兄弟之位至  
此乃立于中庭以事將至宜異其位也此中  
庭謂東西之中其南北則參分庭一在北與

二九六

卷十五

七〇

右即位

主人及祝升祝先入主人從西面于戶內

注曰祝先入接神宜在前也少牢饋食禮曰  
祝盥于洗升自西階主人盥升自阼階祝先  
入南面

繼公謂云及祝則是主人先升也先升後入  
蓋俟於堂 按注引少牢云祝先入南面蓋  
疑此經有闕文也恐或然

主婦盥于房中薦兩豆葵菹蝸醢在北

蝸音

注曰盥盥于內洗

宗人遣佐食及執事盥出

此執事謂左人及取俎也者賤於右人故先



出不遺賓長者賓長與士人皆在右宜同出也

主人降及賓盥出主人在右及佐食舉牲鼎賓長在右及執事舉魚腊鼎除鼎

主人降亦宗人詔之也賓長在右謂長賓在魚鼎之右衆賓長在腊鼎之右也然則魚腊之左者亦衆賓與凡吉事除鼎于外凶事除鼎于內除鼎亦右人

宗人執畢先入當阼階南面

注曰畢狀如义雜記曰杜用桑長三尺畢用桑三尺刊其本與末杜畢同材明矣今此礼用棘心則畢亦用棘心少牢饋食及虞無义

有乃主人不親舉耳少牢大夫祭不親舉虞喪祭也主人未執事祔練祥執事用桑义

繼公謂宗人執畢所以指教其錯鼎之處也故宜先入當阼階南面者示其當錯於此爲之節也其南比之節亦南於洗西與鼎入設當阼階士禮也大夫則當東序國君則在碑南此用畢者以主人親舉重其事也鼎既錯則反之於外而復位與大射儀曰小臣師設楅司馬正東面以弓爲畢則畢但主於指教設器者明矣

鼎西南錯右人抽局委于鼎北

錯七故反下同

注曰右人謂主人及二賓



繼公謂鼎錯於東方西面順主人之面位也  
上者亦南于洗西右人既委局皆西面俟于  
鼎東

贊者錯俎加匕

注曰贊者執俎及匕從鼎入者其錯俎西縮  
加匕東柄既則退而左人北面也

繼公謂贊者取匕俎于東塾東執以上而錯  
俎於鼎西加匕於鼎上而所俎亦在豕俎之  
北也此贊者蓋三人其二人各合執二俎一  
人兼執三匕與知取匕俎于東塾東者士虞  
禮匕俎在西塾之西此士吉祭當反之也

乃北

二九五

卷十五

十三〇

注曰右人也左人山載之

繼公謂北亦當作匕

佐食升所俎鼎之設于阼階西所音

注曰所俎謂心舌之俎也郊特牲曰所之為  
言敬也言主人之所以敬尸

繼公謂以少牢饋食禮例之則此亦右人先

升心舌而佐食載惟言佐食升之其文省與

設之蓋亦西縮鼎當作原

卒載加匕于鼎主人升入復位

賓匕者於是亦復位

俎入設于豆東魚次腊特于俎北

注曰入設俎載者



繼公謂少牢禮曰序升自西階相從入  
主父設兩敦黍稷于俎南西上及兩鉶芼設于  
豆南南陳

鉶不言北上者其實同也亦先設北者宗婦  
不贊敦鉶者辟內子禮也凡敦鉶皆特執於  
少牢禮備見之

祝洗酌奠奠于鉶南遂命佐食啓會佐食啓會  
卻于敦南出立于戶西南面

注曰後酌者酒尊要成也少牢饋食禮啓會乃  
奠之

繼公謂酌奠酌其所奠之酒也不云酒而云  
奠因事名之

二五

卷二五

一四〇

主人再拜稽首祝在左

注曰祝在左當爲主人釋辭於神也祝祝曰  
孝孫某敢用剛鬣嘉薦普淖用薦某事于皇  
祖某子尚饗

繼公謂主人拜爲食具也於此乃云祝在左  
則鬯者南面信矣祝在左說見聘禮

卒祝主人再拜稽首祝之  
又反  
此拜爲已祝也

右設饌祝神

祝迎尸于門

注曰尸自外來代主人接之就其次而請周  
禮掌次凡祭祀張尸次



繼公謂迎尸不拜者禮不主於已代主人迎之耳其或有拜受尸之類乃從於主人爲之也門廟門

主人降立于阼階東

注曰主人不迎尸成尸尊尸所祭者之孫也祖之尸則主人乃宗子禰之尸則主人乃父道事神之禮廟中而已出迎則爲厭

繼公謂阼階東亦直序西面主人位於此則子姓兄弟在主人之南者其亦南於洗西與按注之厭字蓋用喪服傳文也似失其義

欲改作屈

尸入門左北面盥宗人授巾

卷十五

五〇

注曰侍盥者執其器就之執篋者不授巾賤也少牢饋食禮曰祝先入門右尸入門左尸至于階祝延尸尸升入祝先主人從

注曰少牢饋食禮曰尸升自西階入祝從主人升自阼階祝先入主人從

右尸入

尸即席坐主人拜受尸尸答拜執奠祝饗主人拜如初

注曰饗辭取於士虞記則宜云孝孫某至爲孝薦之饗舊說云明薦之

蓋公謂饗饗神也凡饗祝之辭雖或言於尸則賓主爲神也如初再拜稽首也



按江引舊說蓋據戴禮而言也

祝命授祭尸左執鬴右取菹換于醢祭于豆間

按當讀作授  
換如悅反

授祭即授祭也授字蓋誤祝命佐食授尸祭

尸於是祭薦欲及其授祭之節也

佐食取黍稷肺祭授尸尸祭之祭酒啐酒告旨

主人拜尸奠鬴荅拜祭釧嘗之告旨主人拜尸

荅拜

注曰酒與釧齊敬共之惟恐不美告之美達

其心明神享之

繼公謂尸告旨而主人先拜者尸尊也

祝命爾敦佐食爾黍稷于席上

三十八

卷一五

十六

他篇言爾敦者爾黍而已此併以稷未詳

設大羹滏于海北大音黍

注曰士虞禮曰大羹滏自門入

繼公謂此滏為尸設乃在左者以其居神位

故變於常禮也虞禮滏在右者喪祭也凡祭

而設滏尸皆不以之

舉肺脊以授尸尸受振祭齊之左執之乃食食

舉

乃食乃以右手食食也既食食則食舉所以

安之

主人羞所俎于腊北

所俎一而已故主人可以親設之神俎多宜



使賓也不言降與升文省少牢禮曰主人羞  
所俎升自阼階

尸三飯告飽祝侑主人拜飯音反下同

注曰三飯告飽禮一成也侑勸也或曰又勸  
之使又食少牢饋食禮侑辭曰皇尸未實侑  
繼公謂此祭以饋食為名故當食而尸尤尊  
雖主人拜亦不荅也

佐食舉幹尸受振祭嚌之佐食受加于所俎舉  
獸幹魚一亦如之

注曰幹長脅也獸腊

繼公謂此一舉也凡於尸每食必舉牲體若骨  
者明主人以此供尸食也是雖連舉三俎之

三十五 卷十五 十七〇

實然同時相接為之故但主於牲而摠為一  
舉耳下文放此 按注云幹長脅也今攷長脅  
即正脅耳尸俎有長脅短脅凡舉脊脅必以  
正者故知此幹為長脅也

尸實舉于菹豆

於既三飯而奠舉士吉祭之禮然爾士虞則  
不食舉卒食乃授之是其異也

佐食羞庶羞四豆設于左南上有醢

少牢饋食禮羞兩臠兩醢此亦當放之也上  
亦醢之北滫之南也南上者臠醢相間兩  
各在醢之南也四豆乃不績者統於正豆  
正豆兩而為一列故此豆雖有四亦不宜



以異之

尸又三飯告飽祝侑之如初舉酪及獸魚如初

注曰禮再成也獸魚如初者獸酪魚一也

繼公謂此再舉也

尸又三飯告飽祝侑之如初舉有及獸魚如初

注曰禮三成

繼公謂此三舉也獸謂獸有

佐食盛所俎俎釋三个

注曰佐食取牲魚腊之餘盛於所俎

繼公謂俎釋三个不可透空神俎也少牢饋

食禮於每牲之俎惟釋脊脅皆俎實之下者

也然則此牲俎之所釋者亦宜放之其正脊

長脅短脅與腊俎三个蓋如牲俎也

舉肺脊加于所俎反黍稷于其所

此蒙佐食之文皆謂佐食舉之反之也其所

俎南也肺脊在菹豆

右尸食

主人洗角升酌酌尸

注曰不用爵者下大夫也

繼公謂不言降以升見之也

尸拜受主人拜送尸祭酒啐酒賓長以肝從尸

左執角右取肝換于鹽振祭齊之加于菹豆

置肝于菹豆尊者之吉禮然也

卒角祝受尸角曰送爵皇尸卒爵主人拜尸答



拜

注曰曰送爵者節主人拜

繼公謂云皇尸卒爵明主人當送之也後言之者見送爵之辭為指主人尸卒爵而不拜既乃俟主人先拜送者所以深見其尊尸也祝釋辭其東面於尸席前之東與

祝酌授尸尸以醋主人醋音昨

祝不洗而酌注見前篇

主人拜受角尸拜送主人退佐食授椒祭

注曰退者進受爵及位古文醋作醉

繼公謂此授字亦因與授字相類而衍也以

神俎敦之黍稷肺祭授之者象尊者賜之食

三十三

卷十五

十五

然

主人坐左執角受祭祭之祭酒啐酒進聽嘏

進聽嘏進於尸前而聽其嘏已之辭下文云

親嘏主人是也又以少牢饋食禮之所言者

參之則此嘏云者蓋致福於人之稱

佐食搏黍授祝祝授尸尸受以菹豆執以親嘏

主人

注曰獨用黍者食之主

繼公謂饋食之禮主於黍稷而黍又其尊者

故特取之以通其意焉然則遠辟大夫禮也

少牢饋食禮所載嘏辭乃祝傳尸嘏者也此尸

嘏其離之首與彼異



左執角再拜稽首受復位詩懷之實于左  
于季指卒角拜尸答拜掛音

注曰實于左袂便右手也

繼公謂左執角為右手將有事也詩字未詳  
或曰敬慎之意內則曰詩負之亦此意也拜  
不奠爵受黍不祭皆異於大夫也季指左手  
之小指也祛祛於指以黍在袂中故也古者  
祛挾於袂然猶挂之者慮拜時或遺落也主  
人拜受黍而尸不答拜者以其受神惠故也  
主人出寫啻于房祝以邊受  
出亦執角以出也邊虛邊也此單言啻少牢  
言啻黍皆未詳

禮記

卷十五

二十

右主人酌尸尸酢主人

筵祝南面

筵祝蓋於其立處之西亦有司為之下放此  
主人酌獻祝祝拜受角主人拜送設菹醢俎

注曰菹醢皆主婦設之佐食設俎

繼公謂士虞與少牢禮皆云祝與佐食坐受  
爵此不言坐如之可知菹醢葵菹蝸醢也

祝左執角祭豆與取肺坐祭齊之興加于俎坐  
祭酒啐酒

此離肺也當奠角乃興取肺坐絕祭齊之既  
執角乃祭酒不言奠角執角與絕者亦文  
耳記曰祝俎離肺一



以肝從祝左執角右取肝以伏于鹽振祭齊之加于俎卒角拜主人答拜受之用

肝加于俎辟尊者禮也下文主人主婦之儀亦故此少牢饋食禮曰不興加于俎

酌獻佐食佐食北面拜受角主人拜送佐食坐祭卒角拜主人答拜受角以降反于篚升入復位

上不言坐故於祭見之

右主人獻祝佐食

主婦免爵于房酌亞獻尸

亞獻更用爵以見主人之用角者有為為之

耳獻以爵正禮也獻尸不夾拜辟內子之禮也

三十四

卷十五

五〇

尸拜受主婦北面拜送

注曰北面拜者辟內子之禮也大夫之妻拜於主人北西面

宗婦執兩邊戶外坐主婦受設于敦南

注曰兩邊棗栗在而

繼公謂宗婦贊豆邊戶外坐士祭禮然也少

牢饋食禮主婦與贊者授受於室中亦異者

也士虞禮邊設于會南此宜如之乃不云會

者可知也

祝贊邊祭尸受祭之祭酒啐酒

注曰邊祭棗栗之祭也其祭之亦於豆祭

繼公謂惟云尸受則是祝皆取二邊之祭以



授之也亦左執爵乃受之

兄弟長以燔從尸受振祭齊之反之

尸取燔於俎乃云受者羞燔者執俎以進之亦相授之義也故於尸以受立文此亦左執爵乃受燔

羞燔者受加于所出

尸反其燔於俎羞燔者則以俎受之也既則執之以加于所

尸卒爵祝受爵命送如初

注曰送者送卒爵

繼公謂初亦主人儀也

酢如主人儀

卷十五

廿〇

注曰尸酢主婦如主人儀者自祝酌至尸送如酢主人也不易爵辟内子之禮

婦適房南面佐食授祭主婦左執爵右撫祭酒啐酒入座爵如主人儀

房中南面主婦之正位也經因事見之授亦當作授祭亦謂黍稷肺祭也佐食授祭主婦撫之而不取亦異於内子也既撫則佐食以祭置于地主婦入於室中北面而立飲如主人儀謂卒爵拜尸答拜也入室卒爵亦以鄉者於此拜受故也

右主婦獻尸尸酢主婦

獻祝邊燔從如初儀



主婦當更酌洗于房中乃酌獻祝略如內子之禮蓋男子不承婦人爵也初儀即主人獻祝之禮此惟無祭俎一節餘則如之也邊與豆燔與肝雖異其祭之之儀則同故亦蒙如初祝亦兩邊其設之棗在道西栗在棗南及佐食如初卒以爵入于房

注曰及佐食如初如其獻佐食則拜主人之北西面也

繼公謂及謂獻及之也初者亦主人獻佐食之儀少牢禮主婦獻祝及佐食皆西面於主人之北答拜之

右主婦獻祝佐食

賓三獻如初燔從如初而止

注曰初亞獻也

繼公謂不言洗爵升酌可知也如初謂尸拜受主婦拜送也尸於舉酌之末亦欲主人而下皆受舉爵之禮故止爵以見其意於是主人主婦交相致爵既而遂獻賓以至於私人而終尸意焉其爵止之即在羞燔者出之時也賓長亦出而復位

右賓長獻尸酌立

席于戶內

注曰席自房來

繼公謂設席蓋於主人所立處之南席亦南



上未受爵而設席變於大夫

主婦洗爵酌致爵于主人主人拜受爵主婦拜送爵

注曰主婦拜拜於北面也

繼公謂是亦獻也乃不云獻者酒乃已物不可以獻為名故謂之致爵亦拜受于席

宗婦贊豆如初主婦受設兩豆兩邊

注曰初贊亞獻也

繼公謂贊豆贊豆與籩也此豆兼籩言之省文耳如初戶外坐也主婦受於戶外而設於

席前其豆則道在北其邊則棗在道北栗在棗西也設豆東面設籩南面與此宗婦贊者

三

卷十五

廿四

亦一人耳既授兩豆復取兩籩于房

俎入設

注曰佐食設之

疏曰有司不儉尸者主婦致爵於主人時佐食設俎

繼公謂設于豆西

主人左執爵祭薦宗人贊祭奠爵與取肺坐絕祭齊之興加于俎坐挽手祭酒啐酒

此贊祭薦蓋以籩祭授之祭離肺之儀鄉飲酒禮備矣

肝從左執爵取肝揆于鹽坐振祭齊之宗人受加于俎燔亦如之



坐字衍宗人既受肝則主人復右執爵矣一進酒而兩進從俎者欲其與尸祝之兩獻者同見其尊也主婦禮亦如之

與席未坐卒爵拜

席末席上之北於此卒爵近於受爵之處也。勲者受爵在所設席之北不降席者亦因尸禮也

主婦答拜受爵酌醋左執爵拜主人答拜坐祭立飲卒爵拜主人答拜主婦出反于房

酢不易爵者禮婦人承男子後多不易爵則其自酢又可知矣主婦自酢者主人辟尸不敢酢主婦達其意也下自酢之義皆類

三

卷一五

廿五〇

此反奠爵于篚也左字非誤則衍內則曰凡女拜尚右手

右主婦致爵于主人自酢

主人降洗酌致爵于主婦席于房中南面主婦拜受爵主人西面答拜宗婦薦豆俎從獻皆如主人

不言升酌文省耳主人於主婦亦謂之致爵也

也主婦席南面變於亦拜受于席豆亦兩豆

六夫不賓尸之禮也兩邊俎牲俎也從獻肝燔也皆如主人謂其

受爵以前之禮也所異者其不用贊與此席

蓋於房中之北堂

主人更爵酌醋卒爵降實爵于篚入復位



更爵更取在內籠者也男子不承婦人爵雖自醋猶更之內籠在洗東乃不因而洗之者以其自醋也自醋而不洗亦因尸之醋禮也此醋亦在房中西面其他儀皆與主婦自醋者略同以有成禮故略而不見之卒爵則坐惟此與主婦異耳位室中位凡男子易爵于內籠惟醋于房中者得由便爲之不然則否右主人致爵于主婦自酢

### 三獻作止爵

注曰賓也謂三獻者以事命之作起也舊說云賓入戶北面曰皇尸請舉爵

繼公謂致爵之禮成亦足以少塞尸之止爵意矣於此而作止爵亦宜也若俟畢獻乃爲之則又留尊者之爵非所以爲敬

尸卒爵酢酌獻祝及佐食洗爵酌致于主人主婦燔從皆如初更爵酢于主人卒復位

注曰洗乃致爵爲異事且以承佐食賤新之繼公謂賓獻祝亦北面拜於尸西獻佐食亦西面拜於主人之南也賓既獻佐食則室中之事畢矣乃復致爵者因上禮也皆皆尸卒爵以下也自尸卒爵以至及佐食如主人酢獻之禮也致于主人者如主婦致爵之禮也致于主婦者如主人致爵之禮也燔從者如亞獻祝及致于主人主婦之禮也言此則是



其從獻之物供<sup>上</sup>有此耳亦見其殺於初者也  
致于主人主婦乃惟酢于主人者為禮主於  
尊者也賓更爵自酢其義與主人之自酢者  
同更爵不言降與升酌又不言如初亦文省  
右賓作<sup>一</sup>爵尸酢賓賓獻祝佐食致  
于主人主婦自酢

二人降阼階西面拜賓如初洗賓辭洗

注曰拜賓為將獻之如初如視濯時

繼公謂階下當有前字初謂三拜衆賓衆賓  
皆答一拜也將獻而旅拜賓賓一人辭洗則  
是助祭之賓其尊卑但與鄉飲酒之衆賓同  
耳少字下篇曰主人洗爵長賓辭主人奠爵

卷十五

于筮與對

卒洗揖讓升酌西階上獻賓

獻賓蓋西南面也

賓北面拜受爵主人在右答拜薦脯醢設折俎

自賓以下其設薦俎者皆以私人為之與

質左執爵祭豆奠爵與取肺坐絕祭齊之與加

丁俎坐拱手祭酒卒爵二升主人答拜受爵酌酢

與爵拜賓答拜

豆亦無邊言也賓云卒一爵拜主人云奠爵拜

文互見耳

主人坐祭卒爵拜賓答拜揖執祭以降西面奠

于其位位如初薦俎從設



注曰位如初復其位東面  
繼公謂執祭脯也云位如初  
饗既獻則饗  
一奠也

右主人獻賓長自酢

衆賓升拜受爵坐祭立飲薦俎設于其位辯主  
人備答拜焉降實爵于筮

辯音編  
下並同

注曰鄉飲酒記曰立卒爵者不拜既爵備猶  
盥也

總公謂立飲亦為不拜既爵也其說見鄉飲  
酒與其記辯謂皆有薦俎也其為俎亦於每  
獻一人則設之備冬拜謂悉答之也其拜亦  
在每人受爵之後

卷九十五

卷十五

十八

右主人獻衆賓

尊兩壺于阼階東加勺南枋西方亦如之  
為賓及兄弟設之也西方之尊其在阼階  
與設尊於堂下者欲其便且別於大  
兩壺皆酒者別於上尊也

三人洗解酌于西方之尊西階前北面  
左左

於此酬賓終正禮也酬賓於西方故酌西  
之尊必酬之者重其為賓也酬於下者宜近  
賓位便其奠之

主人奠解拜賓各拜主人坐祭卒解拜賓答拜  
此賓主之拜亦皆北面



主人洗觶賓辭主人對

少牢下篇云主人奠爵于篚對

卒洗酌西面賓北面拜

注曰西面者鄉賓位立於西階之前賓所答拜之東北

主人奠觶于薦北

不授而奠酬之正禮薦北薦左也既奠則復位北面拜又不具耳此奠觶于庭皆將舉者也而或在薦左或在薦右蓋各從其便而不取奠者於左將舉於右之義也

賓坐取觶還東面拜主人答拜賓奠觶于薦南揖復位

卷之六

卷之五

七

注曰還東面就其位薦西

繼公謂賓坐取觶而興象受之也賓取觶亦西面還而東面拜謝主人之奠觶也執奠觶而拜所以見其意東面而奠于薦南亦便也復位主人西面位也奠而不辭既則以拜謝之皆變於飲酒之儀也

右主人酬賓長

主人洗爵獻長兄弟于阼階上如賓儀

注曰酬賓乃獻長兄弟者獻之禮成於酬先成賓禮也

繼公謂此獻于阼階上異內外也獻亦西南面賓賓長也如賓儀無酢言也



左主人獻長兄弟自酢

洗獻衆兄弟如衆賓儀

一獻衆兄弟與獻長兄弟之禮相屬乃爲之洗者以其承己自酢之後故須洗之也然則獻一衆賓於自酢之後則亦宜爲之洗矣上經不言者文略耳

右主人獻衆兄弟

洗獻內兄弟于房中如獻衆兄弟之儀

注曰內兄弟內賓宗婦也如衆兄弟如其拜受坐祭立飲設薦俎於其位而辯內賓其位在房中之尊北有司徹曰主人洗獻內賓於房中南面拜受爵

三

卷十五

三

五

繼公謂獻之蓋西北面

主人西面答拜更爵酢卒爵降賓爵于篚入復

注曰內賓之長亦南面答拜

繼公謂更爵亦在房中者也獻畢乃酢其長亦猶賓致爵于主人主婦而受爵酢于主人之義也不言酢儀者其禮可得而推故爾

右主人獻內兄弟自酢

長兄弟洗觶爲加爵如初儀不及佐食洗致如初無從

注曰大夫士三獻而禮成多之爲加也不及佐食無從殺也致致於主人主婦



繼公謂無從謂所賦所以者皆無燔從也無從則不啐酒而卒啐亦其異者

右長兄弟為加爵

眾賓長為加爵如初爵止

鼻者三獻用爵其爵止而主人主婦之致亦用爵蓋放尸器而用之也此爵止之後室中及庭中行禮者皆用解以是推之則此加爵當用解經不見之文略耳如初亦如亞獻也此亦無從尸祭酒啐酒而爵止矣尸於舉解之節又欲解之徧行也故止之以見其意蓋與三獻而止爵者相類也

右眾賓長為加爵

嗣舉奠

注曰嗣主人將為後者大夫之嗣子不舉奠辟諸侯

繼公謂舉奠謂舉奠解而飲之重適故特為此禮是惟主於有適者言之無適則已

盥入北面再拜稽首

盥盥于洗也再拜稽首重尊者之賜也北面亦於戶西

尸飲奠進受復位以酒啐酒尸舉肝舉奠左執解拜拜稽首進受以復位坐食肝卒解拜尸備答拜焉

注曰備答拜每答之



繼公謂奠釗兩之解也肝即鄉之加于菹豆者也位室中之位也坐卒解亦異其室中之禮凡子姓受主人之獻亦立卒爵不拜既爵舉奠洗酌入尸拜受舉奠答拜尸祭酒啐酒奠之舉奠出復位

亦曰奠之者每神之奠解

繼公謂舉奠酌以進尸及尸之奠解耳尸祭啐奠之如初禮新之

右嗣舉奠

兄弟弟子洗酌于東方之尊阼階前北面舉解于長兄弟如主人酬賓只儀

注曰弟子後生也

三十一

卷五

三十一

繼公謂如主人酬賓儀者是亦在長兄弟之右也此有代主人酬長兄弟之意故位與主人同主人酬賓奠解于薦北此則當奠于薦南而長兄弟則取解還西面奠于薦北也

右兄弟之弟子舉解于其長

宗人告祭胥

注曰胥俎也所告者衆賓衆兄弟內賓也獻時設薦俎于其位至此告之祭使成禮也其祭皆離肺不言祭豆可知

繼公謂所告者衆賓衆兄弟內兄弟也公有司私臣亦存焉將羞乃告於胥蓋與燕禮大夫祭薦之意同也記言衆賓八以至私臣皆着胥



膚一離肺一又曰公有司獻次衆賓私臣  
次兄弟

乃羞

羞庶羞也此但以羞五文則是自尸而下  
至於私臣皆然也大夫祭禮羞于尸祝主人  
主婦與羞于賓兄弟內賓及私臣不同時又  
加以內羞此則一之亦士禮異也

右祭胥乃羞

賓坐取解阼階前北面酬長兄弟長兄弟在右

注曰薦南奠解

繼公謂長兄弟在右賓在左各象其位也

賓奠解拜長兄弟答拜賓立卒解酌于其尊東

三十一

卷十五

三三〇

面立長兄弟拜受解賓北面答拜揖復位

注曰其尊長兄弟尊也此受酬者拜亦北面

繼公謂阼階東之尊為兄弟長而下設之故

曰其尊若彼自有之然西方之尊亦如之東

面立變於鄉飲酒酬者之儀也鄉飲酒禮者

東南面酬主人主人西南面酬介此東面

長兄弟亦惟北面受之下放此

長兄弟西階前北面衆賓長自左受旅如初

注曰初賓酬長兄弟

繼公謂初謂奠解拜受旅者答拜也

長兄弟卒解酌于其尊西面立受旅者拜受

兄弟北面答拜揖復位衆賓及衆兄弟交錯



辭皆如初儀錯如字

交錯謂二黨互相酬也初儀即上文所言如酬之禮

右賓與兄弟旅酬

爲加爵者作止爵如長兄弟之儀

與解既舉其禮一終於此可以作止爵矣不俟再旅者其意與三獻作止爵於獻賓之前者同

右衆賓長作止爵

長兄弟酬賓如賓酬兄弟之儀以辯卒受者實解于筐

如謂儀略同耳其異者則以意定之

右兄弟與賓旅酬

賓弟子及兄弟弟子洗各酌于其尊中庭北面西上舉解於其長奠解拜長皆答拜舉解者祭卒解拜長皆答拜

此中庭東西之中也其南北之節則皆少南於其長之前與西上者尊賓之弟子也是時長皆在東西面之位而拜之卒解坐卒解也此解乃代主人舉之故其儀與鄉飲舉解者略同

舉解者洗各酌于其尊復初位長皆拜舉解者皆奠解于薦右

薦右賓之薦南兄弟之薦北也奠於此者因



其所改奠之處也。歸長者意不欲其復奠之。此解為無筭爵始。

長皆執以興舉。解者皆復位答拜。長皆奠解于其所。皆揖其弟子。弟子皆復其位。

注曰：復其位者，東西面。位弟子舉解於其長，所以序長幼。教孝弟，拜亦皆北面。

繼公謂：執以興亦象受之。其所薦右也。揖揖之，使復其位。

爵皆無筭

此亦賓先舉奠，解酬兄弟長交錯以辭卒飲者。洗酌反奠於故處。長兄弟又舉奠，解酬賓。長亦交錯以辭卒飲者。洗酌亦反奠於故處。

卷十五

三十五

三十五

賓及兄弟又迭舉奠，解皆如初。禮終而復始。故云爵皆無筭。其儀之與旅酬異者，惟不拜耳。

古賓弟子兄弟弟子各舉解于其

長，遂無筭爵。

利洗散獻于尸，酌及祝如初。儀降實散于筮。及筮

注曰：利佐食也。更言獻者，以利侍尸禮將終。

宜一進酒，嫌於加酒亦當三也。不致爵禮，又

殺也。

繼公謂：佐食云利未詳。或曰：以其善佐尸食。

而宜於尸，故曰利利之言宜也。未知是否。

右佐食獻尸祝。



主人出立于戶外西面

戶外東少南也不立于阼亦變於大夫

祔東面告利成

東面于戶外之西

尸謬祝前主人降

注曰少牢饋食禮曰祝入尸謬主人降立于

阼階東西面祝先尸從遂出于廟門其儀上

虞禮備矣

祝反及主人入復位命佐食徹尸俎俎出于廟

注曰少牢饋食禮有司受歸之

繼公謂言及見其先入也尸

二十七

卷十五

二十六

俎俎俎也

徹庶羞設于西序下

徹者亦佐食也徹庶羞亦改設者尊尸食故

未即去之西序下其東也此先徹庶羞亦與

大夫禮相變

右尸出

筵對席佐食分簋劔

筵對席設對席于饌東也此於神席亦為少

北其名義與昏禮之對席同下篇放此簋即

敦之異名分簋劔者以簋分簋實以劔分劔

羹也為將餽分之或曰以尸之兩敦兩劔分

與二養也其敦則上養黍而下養稷亦異於



大夫之養者惟用黍也未知孰是

主人遣舉奠及長兄弟盥立于西階下正北

舉奠子姓也云及長兄弟則主人之子位在

長兄弟之上明矣立于西階下俟命也其位

蓋在賓之東北

祝命嘗食養者舉奠許諾升入東面長兄弟對

之皆坐佐食授舉冬一霄養音俊

命告也嘗食二字或當在養者之下舉奠東

面升尸席也長兄弟對之升對席也使嗣子

餽故不敢以賓長對之而使長兄弟也以霄

為舉亦欲其每食則啗之士以二人養降於

三

卷十五

三

大夫者兩也其養惟以嗣子及長兄弟又與

大夫禮相變云古文養皆作餽

主人西面再拜祝曰養有以也兩養奠舉于俎

許諾皆答拜

西面蓋于其位養有以也其意未詳或曰言

主人所以使女養者蓋有相親敬之意不欲

明說故惟言有以也下文有與之言亦類此

俎者上養豕而下養腊與

右是者三

所以見主人殷勤之意也三者惣言之蓋禮

成於三也然則主人拜祝釋辭養答拜者又

也



皆取舉祭食祭舉乃食祭剛今舉

祭舉亦振祭齊之食食乃祭剛變於尸

卒食主人降洗爵宰贊一爵主人升酌酌上

上養拜受爵主人答拜酌下養亦如之

注曰少牢饋食禮曰贊者饗三爵酌主人受

于户内以授次養

繼公謂酌下養亦東面于其席前之北授之

主人拜祝曰酌有與也如初儀

有與猶有以也初儀主人再拜及兩養許諾

也

兩養執爵拜

注曰答主人也

二十九十四

卷二十五

三十八

繼公謂此著其拜之異於上者也凡男子執

爵拜皆左執之內則曰凡男拜尚左手

祭酒亦爵拜主人答拜而養皆降實爵于筮

注曰下養復兄弟位

繼公謂上生將酌乃亦實爵于筮者宜與下

養共終其不可由便也

上養洗爵

酌主人

酌主人甫

鄉之於其位上養得親酌者乃

已出故也

亦變於大夫之禮大夫養者不

親酌

主人拜受爵

主人亦西面拜也主人父也上養于也



唯尸祝佐食玄端玄裳黃裳雜裳可也皆爵

注曰與主人同服

繼公謂士尸服玄端亦以其為卒者之正服也然則尸服卒者之上服唯喪祭耳祝佐食

與主人亦玄端者以其事尸於室尤為近之故服宜與尸同言玄端玄裳又言黃裳雜裳

可也者蓋以賤者或不能備服故制此禮以通之其朝服之裳惟許用素積者豈以素者易辨故與

設洗南北以堂深東西當東榮水在洗東篚在洗西南順實二爵二觚四解一角一散深或燭及

注曰舊說云爵一升觚二升解三升角四升散五升

李實之曰賓獻尸之時爵止主人當致爵于主婦故爵二

繼公謂二觚者長兄弟以觚為加爵因以致于主人主婦既則更之以酢于主人也四解

者其一奠于神席前其一乃主人以奠副於賓其一乃眾賓長為加爵於尸其一乃爵止

而未舉之時兄弟弟子舉解於其長者也

壺於禁饌于東序南順覆兩壺焉蓋在南明日平奠鼎用給即位而徹之加勺覆芳服反

注曰覆壺者盪灑水也為其不宜塵

楊志仁曰奠酌奠奠于銅南時即位尸



生時

繼公謂壺於禁腋壺之於禁也禁名曰於制則未聞鼎亦當作冪既奠乃冪之則未功以前用蓋與

邊巾以給也纁裏棗烝栗擇

注曰舊說云纁裳者皆玄被

繼公謂邊用巾謂既實而陳之之時也一

設則去之獨邊用巾者以其未即設故

塵此巾云纁裏則是凡巾皆複為之矣

鉶羊用法若薇皆有滑夏葵冬苴

此無羊鉶故豕鉶亦得用苦然則鉶

者非為各有所宜也士虞禮記云

三九

卷十五

十一

棘心匕刻

注曰刻若今龍頭

繼公謂絜祭匕用桑吉祭匕用棘者喪

同吉棘聲近故也

牲爨在廟門外東南魚腊爨在其南皆西

士喪禮曰為徑於西墻下又吉凶之饌

近於辟以是例之則凡門外之爨亦尚

下明矣

饌爨在西辟

士之饌爨在內者以宗婦主其事也

以廩人為之故其爨亦在門外

所俎心舌皆去本末午割之實于牲鼎



舌縮俎去起呂反

注曰午割從橫割之亦勿沒

繼公謂既實牲體於鼎乃制此而實之於其上載謂載於所俎心舌皆當牲體之中為內體之貴者故不危用而專以進於尸又見少牢饋食禮

與長兄弟之薦自東房其餘在東堂

經惟云豆蕩鉶在東房蓋主於尸者也此又見賓與長兄弟之薦則祝主人主婦之薦亦在東房矣賓賓長也其餘次賓次兄弟而下與內兄弟及公有司私臣也公有司私臣有俎則有薦可知經記不見之耳少牢饋食禮

卷五

里

私人有薦胥

沃尸盥者一人奉槃者東面執匱者西面淳沃執巾者在匱北奉其弓力反淳之純反

注曰匱北執匱者之北亦西面

繼公謂者一人三字疑衍又淳沃並言三未詳

宗人東面取巾振之三南面授尸卒執巾者振之三為去塵敬也宗人授巾尊尸也卒盥已挽手受巾亦以簞少牢饋食禮曰卒盥坐奠簞取巾與振之三以授尸坐取簞與以受尸巾

尸入主人及賓皆辟位出亦如之辟音避



入門也出出戶也言主人及賓則兄弟之屬在其中矣

嗣舉奠佐食設豆鹽

置鹽於豆而設於舉奠之前為其食肝也

佐食當事則戶外南面無事則中庭北面

注曰當事將有事而未至

凡祝呼佐食許諾

注曰呼猶命也

宗人獻與旅齒於眾賓

注曰齒從其長幼之次

繼公謂記末云公有司獻次眾賓宗人亦公

有司也乃齒於眾賓者所謂有上事者貴之

二七九

卷十五

四四〇

也

佐食於旅齒於兄弟

佐食已獻於室中故獻兄弟時不與而但與

其旅酬也云齒於兄弟則士之佐食亦其兄

為明矣

兩壺于房中西墉下南上

注曰為婦人旅也其尊之節亞西方

謂兩壺皆酒云南上者亦以其先酌在

石與

立于其北東面南上宗婦北堂東面北上

二者所謂內兄弟內賓姑姊妹也宗婦

於人之婦其夫屬於所祭為子孫或南上或



此上宗婦宜統於主曰如主婦南面

繼公謂云內賓立于尊北記者蓋取尊爲節而見其位之所在耳其實內賓之位已定於未設尊之時也

主婦及內賓宗婦亦旅西面

注曰西面者異於獻也男子獻於堂上致於堂下婦人獻於南面旅於西面內賓象衆賓宗婦象兄弟其節與其儀依男子也其拜及飲者皆西面于主婦之東南

繼公謂此旅酬之儀雖與在庭者略同然亦不能無少異蓋主人既酢內兄弟主婦則酬內賓之長酌奠于薦左內賓之長坐取之奠

三五〇

卷十五

四七〇

于右及兄弟舉旅之時內賓之長亦取奠以酬主婦主婦以酬次內賓次內賓以酬宗婦之長亦交錯以辯內賓之少者宗婦之少者又各舉觶于其長以爲無筭爵始內賓長之解惟以旅主婦而已宗婦長之解則以旅次內賓亦交錯以辯皆不拜略如鄉射無筭爵之儀也然則房中之篚其實一爵二解與宗婦贊薦者執以坐于戶外授主婦此儀已見於經而記復著之蓋備載其所聞耳

尸卒食而祭饔飧雍饔

注曰雍孰肉以尸享祭竈有功也舊說云



婦祭饁饗亨者祭雍饗用黍肉而已無邊豆  
俎禮器曰夫饗者老婦之祭盛於盆尊於瓶  
繼公謂此以尸享祭而祭竈亦見其尊尸之  
意牲魚腊之饗皆謂之雍饗少牢禮曰雍饗  
在門東南北上

賓從尸俎出廟門乃反位

注曰賓從尸送尸也士之助祭終其事也俎  
尸俎也賓既從尸復入反位者宜與主人為  
禮乃去

尸俎右肩臂臠肫脰正脊二骨橫脊長脅二骨

短脅

注曰尸俎神俎也

三十七

卷二五

四十六

繼公謂長脅即正脅也士之祭其俎豆之屬  
既與於大夫者二而其俎實之脊脅之骨又  
各與其半皆降殺以兩之意也

膚三

特牲無膚俎故以膚附于牲俎焉三者亦與  
於大夫之尸也凡膚與牲體同在尸俎者大  
夫五士三少牢下篇言尸之豕胛膚五是也  
大夫以上膚若別俎則若七若九以差而加  
之

離肺一

注曰舉肺也

刺肺三刺七奉反



注曰為尸主人主婦祭今文利為切  
繼公謂祭肺言利或言切皆見其制也  
魚有十五

注曰少牢饋食禮亦云十有五而俎尊卑同  
此所謂經而等也

繼公謂此盛祭禮也

腊如牲骨

惟云骨而不言體者蓋骨可以該體而體不  
可以該骨也言骨則體在其中矣

祝俎髀脰脊二骨脅二骨膾一離肺一

髀謂右髀亦用尸俎之不升者也膾代脊也  
不見之者上言脰脊則此為代膾可知矣祝

三十七

小宗卷十五

四七

脊俎用二骨見其尊於執事者也此離肺膾

肺也祝祭以離肺其義與虞禮同餘放此

昨俎臂正脊二骨橫脊長脅二骨短脅膾一離

肺一

臂左臂乃不用左肩而用左臂者屈於尸也

脊脅非體也故得與尸同以伸其尊亦以此

牲之俎實少故爾少牢俎實多故主人主婦

脊脅皆減於尸

主婦俎觶折其餘如昨俎觶戶角反

注曰觶後足餘謂脊脅膾肺

繼公謂觶非正體折體之下而取之故云觶

折凡牲固皆折也然經文之例其先言體乃



言折或單言折者必非正體若全體者也蓋  
與折俎之說不同主婦俎之脊骨其名數必  
不盡與昨俎同乃云如昨俎者亦大略之  
也少牢饋食禮昨俎脊骨皆牢主婦俎之脊  
骨但用羊也則此可知矣

佐食俎穀折脊骨一離肺  
主婦俎與佐食俎同用穀而主婦專於佐食  
則主婦右佐食左與或曰佐食不用而穀猶  
祝俎用右辭之意未知孰是

賓幣長兄弟及宗人折其肺如佐食俎  
骼左骼也凡骼與穀連乃為全體上記兩見  
穀折則此骼亦非全體矣不言骼折者以其

三六四 卷五 天。

可知不必言也長兄弟及宗人折亦謂折分  
其全體也不言其體者或以其所用者不定  
故與其餘謂脊骨骨肺

衆賓及衆兄弟內賓宗婦若有公有司私臣皆  
殺脊骨一離肺一

公有司公家所使給私家之事者也私臣私  
家之臣或已所自有或假於他家皆是也云  
若有者不定之辭祝宗人亦公有司也已見  
其俎於上若有之文至於殺脊骨者耳此俎無  
脊骨者以其或用脊骨若脊骨為殺脊骨故也

公有司門西北面東上獻次衆賓私臣門東北  
面西上獻次兄弟升受降飲



注曰亦皆與旅

繼公謂門西者尚右門東者尚左亦各變於  
東面西面之位者也獻公有司於西階上私  
臣於阼階上其受爵則惟二者之長拜於下  
乃升受主人答拜乃降飲餘皆不拜







